

Waterien'tahtsheriá:kskon tánon Ratiíé:nas Aten'nikonhraráhtshera Tsi ionteweienstákhkwa: Orihwa'shón:'a ne Ronwatiio'okón:'a né:'e ne Ratiíé:nas Aten'nikonhraráhtshera Tsi ionteweienstákhkwa Kaianerénhsera. (Bill C-13) (Kaianerénhsera Áhsen lawén:re)

Lonkwatién:tare thí:ken ne aten'nikonhraráhtshera, karihwarónnion ratiia'tarónnion tánon ratiíé:nas tsi ionteweienstákhkwa tei-tonhontsióhon ne ronteweienstha tahontóhetste tánon ahotiianeráhtsen.

Ne thí:ken aorí:wa ne kakoráhtshera wa'karihwínekenhten Kaianerénhsera Áhsen lawén:re, ne *Ratiíé:nas Tsi ionteweienstákhkwa Aoianerénhsera*, tsi ní:ká:ien ó:nen tei-tohétston kaianerénhserison.

Oh nahò:ten ne Kaianerénhsera Áhsen lawén:re?

Kaianerénhsera Áhsen lawén:re ronwathretsiá:rons ohén:ton tsi ionteweienstákhkwa kanenhráhere tahatí:tahste tánon ken'niahatí:iere í:iah tetkaié:ri tánon í:iah tha'tehontaterihwakweniéhstha tsi ní:ioht tsi ronateriá:neron tsi na'tehónteron ronteweienstha ne onkwá:wen tsi ionteweienstákhkwa. Kí:ken ateriahnerónhtshera í:kare iehonwatihrékhons, thihonwatií:ron tánon ronwanátkonte. Ne á:se kaianerénhsera we'néhstha thí:ken kí:ken ateriahnerónhtshera í:iah tehatiíé:nas ne onkwá:wen tsi ionteweienstákhkwaniónhkhwa. Tekarihwáshnie ne karihwakweniéhstshera tánon ka'nikonhraientáhtshera ne onkwá:wen tsi ionteweienstákhkwa aronhákien ne tsi nihatiia'tò:ten, tóka shi tsiakothonwí:sen/rohskén'rákéhte, ó:ia tsi nihononhnhò:ten, ó:ia nahoia'tawénhseron tóka ó:ni thiká:te ó:ia ori:wa.

Oh ní:ioht ne Kaianerénhsera Áhsen lawén:re ioíé:nawa'se tsi ionteweienstákhkwaniónhkhwa tánon ohén:ton thó:nete ahatíhne'ne tánon ken'niahatí:iere í:iah tetkaié:ri ateriahnerónhtshera í:kare iehonwatihrékhons?

Tho watehiá:rons tsi nahò:ten ó:nen rotiió'tén:ne ne ohén:ton rón:nete ne tsi ionteweienstákhkwa tánon tsi ionteweienstákhkwaniónhkhwa. Kaianerénhsera Áhsen lawén:re iakohretsiá:rons ne ohén:ton rón:nete ne tsi ionteweienstákhkwa ne:

- Kaién:tak kaianerénhsera ne iohntenkia'tonhákíe ensehsetakwarihsí iehonwatihrékhons ratíhnhes tánon ahatiíó'tate, tánon sha'té:ioht tánon enhonwatiia'tarónnion ronathiatonhseraweienston.
 - Sewanonhtónnion aontahseiahkwihshrón:hahse ahatiwhistatátko ne ronteweienstha ónhka iehshakotihrékhons ronákia'ke. Kí:ken enwá:ton enká:rake enhonwatiia'tohtáhrho tánon ia'tenwanonhtonnonhákíe a'é:ren ahonwatiia'tenhá:wihte. Tóka shi:
 - ne rateweiénstha só:k ok ná:'a ronwaia'tohtáhrhon ne iehonwatihrékhons tánon ne ronteweienstha rón:ne's né:'e ne tsi ionteweienstákhkwa enkenhnísa ne í:iah tehatiíé:nas enhsatate'shén:nen tsi ne aten'nikonhraráhtshera ne ronákia'ke, tóka ó:ni
 - ne iehonwatihrékhons ne tahonaterihonniá:ten ne thatíhnhes, í:iah tehonwatinón:wes tóka ó:ni ronwathshwens.
- Ne Ronathiatonhseraweienston Aoianerénhsera só:k ok ná:'a wathretsiá:rons tahatirihwáshnie ne ahonwatiia'tohtáhrha tánon a'é:ren enhonwatiia'tenhá:wihte ronteweienstha:
- Tóka ronteweienstha a'é:ren enhonwatiia'tenhá:wihte tóka ó:ni ne sénha kari:wes kaia'tohtáhrho (sénha ne wísk tsi ionteweienstákhkwa niwenhniserá:ke), enhatiíé:na wateweiénston/í:iah tewateweiénston tahatishwanéta tenwatóhetste ne [suspension/expulsion program](#). Ronteweienstha ónhka ronwatiia'tohtáhrhon tsi níó:re ne wísk tsi ionteweienstákhkwa niwenhniserá:ke enhatiíé:na ne tsi ionteweienstákhkwa aoió'ténhsera onennótsheera.
- Enthonwatií:ion ahonwathirónnien tánon orihwa'shón:'a ne iakotirihonnién:ni tánon ó:ia tsi ionteweienstákhkwa raononkwè:ta khiá'teiohserá:ke ne iehonwatihrékhons ronwathíhnes tánon iehotirihwá:re ka'nikonhrí:io tsi ionteweienstákhkwa aion'wesenhákíe.

- Aká:rake anontonníonhtshera ne ka'nikonhrí:io tsi ionteweiensstákhwa aion'wesenhákíe tánon iehonwatihrékhons ronwatíhnes ne raoná:wen é:so iohserá:ke kénhnare tánon kí:ken kénhnare enhonwatina'tón:hahse né:'e ne onkwe'tà:ke.

Tehotirihwaténies ken ne Kaianerénhsera Áhsen lawén:re tsi nihotio'tenhserò:ten ne ohén:ton rón:nete ne tsi ionteweiensstákhwa?

- Ne kaianerénhsera tewahtká:was ohén:ton rón:nete tsi ionteweiensstákhwa á:se kwah ieká:ien ronatinahehsá:'on. Teiotonhontsióhon ne:
 - Ahatirihwísake tsi niawénhserons enhonthró:ri ne ohén:ton rón:nete ne tsi ionteweiensstákhwa raononkwè:ta tho nón:we nienhén:we né:'e ne ronteweiensstha ronwaia'tohtáhrho tóka ó:ni a'é:ron ronwatiia'tenhawíhton, í:kare iehonwatihrékhons.
 - Sheró:ri ne ronwatiio'okón:'a/ronwati'nikòn:rare ne ronteweiensstha ónhka ronwikarawáhton ó:ia ronteweiensstha né:'e ne tsi niawénhseron nó:nen ne ronteweiensstha tsi nihaweiennö:ten nienhén:we ronónha ahonwatiia'tohtáhrho tóka ó:ni a'é:ren ahonwatiia'tenhá:wihte. Ó:ni shehón:karon ne ronwatiio'okón:'a tahatilhtharónnion ne tekahshwanéten thí:ken entewatká:wen ne ronwatiien:'a.
 - Shehón:karon ne ronwatiio'okón:'a/ronwati'nikòn:rare ne ronteweiensstha ónhka wahonwikaré:wahte tsi nontaiá:wen'ne tensewahtharónnion tsi ní:ioht tsi tenkahshwanéten thí:ken enthonwatí:ion ne ronwatiio'okón:'a. Ohén:ton rón:nete só:k oh ná:'a ronwatihretsiá:rons iahonwanateri'waniéhten kí:ken ronwatiio'okón:'a.
 - Tesewahtharónnion skátne iakotirihonnién:ni tánon tsi nón:we tkaié:ri ronákia'ke ohén:ton rón:nete tsi ionteweiensstákhwa raononkwè:ta, ónhka wahonthró:ri tsi niawén:'en tsi ní:ká:ien nienhén:we ne ionteweiensstha ahonwatiia'tohtáhrho tóka a'é:ren ahonwaia'tenhá:wihte. Ohén:ton rón:nete ne tsi ionteweiensstákhwa enhonwatihretsiá:ron ahonwatihró:ri tsi nahò:ten ratirihaks tsi niawén:'en.

Oh ní:ioht ne Kaianerénhsera Áhsen lawén:re teiohshwané'ta'as ohén:ton rón:nete tsi ionteweiensstákhwaniónhkhwa tánon tsi ionteweiensstákhwaniónhkhwa ahonwatiia:taren ronwatiio'okón:'a, ronteweiensstha, tánon thihatiià:tate raononkwè:ta tánon ronatatshén:naren?

Ne kaianerénhsera iakoienawá:se ka'nisténhsera ahatiweientéhta'ne sénha é:so né:'e ne takahshwanéten kari:waien ne ronwatiio'okón:'a ia'taontóhetste ne tsi ionteweiensstákhwa tánon ne tsi nihonahkwíron ne tsi ionteweiensstákhwa ahatirihwahserón:ni ne sénha aka'nikonhriíohake tsi ionteweiensstákhwa tsi tenhontawén:rie aion'wesénhake.

Ohén:ton rón:nete tsi ionteweiensstákhwa ronwatihretsiá:rons:

- Ahatirihwahserón:ni oh naiá:wen'ne ne ronwatiio'okón:'a ahatihsere tóka shi tehona'nikónhrhare tsi ní:ioht tsi takahshwanéten ronwatiio'okón:'a rotiiena'onkonhákíe.
- Ratikwatá:ko tsi nakaié:ren thí:ken iakorihwá:wis ronteweiensstha ronwatiio'okón:'a tánon ronákia'ke ne ahonten'nikòn:raren ahonthró:ri tsi niawénhserons ne iehonwatihrékhons.
- Saterihwahténkiat tsi ionteweiensstákhwa aion'wesénhake karihwisáktha ne tsi ionteweiensstákhwa raononkwè:ta ronteweiensstha tánon ronwatiio'okón:'a aráne khia'teiohserakehákíe.
- Sherihwahéhrhas ronwatiio'okón:'a sénha ahonate'shennaién:ta'ne ahatiweientéhta'ne ne ronteweiensstha raonaten'nikonhrarátshera tánon tsi ionteweiensstákhwa aion'wesénhake.

Oh ní:ioht tsi teiakohshwané'ta'as Kaianerénhsera Áhsen lawén:re ne ronteweiensstha?

Kaianerénhsera Áhsen lawén:re iakohretsiá:rons:

- Tsi ionteweiensstákhwaniónhkhwa aontahónhtka'we tahshakotihshwané'ta ne ronteweiensstha ónhka ronákia:taren ne í:iah tetkaié:ri tsi ronateriá:neron tóka ó:ni wa'thoti'nikonhrhá:ren ne í:iah tetkaié:ri tsi ronateriá:neron.
- Tsi ionteweiensstákhwaniónhkhwa aontahónhtka'we tsi nahò:ten ratihsero kaio'tá:ton tóka ó:ni thiká:te tahatihshwané'ta ne tetsiá:ron ronwatíríos tánon iehonwatihrékhons, tánon tsi nihá:ti ónhka wahontkáhtho ne tsi niawén:'en.
- Tsi ionteweiensstákhwa aontahónhtka'we oh naiá:wen'ne ne ronteweiensstha ne aonten'nikonhrará:ton ahonthró:ri tsi niawénhserons ne iehonwatihrékhons.
- Ohén:ton rón:nete tsi ionteweiensstákhwaniónhkhwa ahonwatiríhon ronteweiensstha ahatinenhrón:ni tsi nón:we thonteweiensstha iahonwatihronká:ten tánon ahonwati'nikonhraientáhten ne akwé:kon ronteweiensstha ne aorihwá:ke tsi ní:ioht ne:
 - í:iah tehonatkaronniáhskon;
 - onkwehshón:'a rotikarawahtánion;
 - tsiakothonwísen rotisken'rakéhte sha'taontathonátteke;
 - thiiionkwè:tate ronwatinòn:wes tánon tsiakothonwí:sen rosken'rakéhte ahonwatiien:tere'ne. Kí:ken kanenhrakè:ron enwá:ton enhonwatiia:taren tehonathonwisenhtsherónte-ronattakwaríhsion kenkióhkwaien (GSAs).

Ohén:ton rón:nete ne tsi ionteweiensstákhwaniónhkhwa tánon ohén:ton rón:nete ne ti ionteweiensstákhwa í:iah tha'ón:ton tahatí:tahste ronteweiensstha áhontste ne kahsén:na GSA tóka ó:ni ó:ia kahsén:na ne ronteweiensstha ahatirá:ko ne kí:ken kanenhra'shón:'a.

Ronteweiensstha thiká:te ahontenenhronniánion ne aorihwá:ke tsi nahò:ten teiotonhontsióhon tsi nón:we nihonteweiensstha.

- Ne kabsén:na né:'e ne ronteweiénstha ratinenhrí:ne entá:on'k ahonwatiieé:nawa'se iahatí:reke ne ka'nikonhrí:io tsi ionteweiénstákhwa aion'wesénhake thí:ken akaia'tá:rake tánon ahotirihwaié:nenke ne akwé:kon ronteweiénstha.

Oh ní:ioht ne Kaianerénhsera Áhsen lawén:re teio'nikonhráhrha kenkiohkwaién:ton thí:ken ronwatiníhas rotinaktarákwen ne onkwe'tà:ke tsi ionteweiénstákhwaniónhkhwa?

Kaianerénhsera Áhsen lawén:re teiotonhontsióhon ahsénhaton kanén:ra, tsi ní:ioht ne tehontkenniónkwas rotinenhraién:ton tánon kaná:ta kanenhraién:ton, ahatíhsere kaianerénhsera ne tsi rontoriahnerónkwas thí:ken iorihwató:ken skátne ne Tekahontsiakhánion Aohiatónhka ne tsi ní:ioht tsi ronatakia'tahtenkiá:ton nó:nen éhontste kanaktarákwen ne onkwe'tà:ke tsi ionteweiénstákhwaniónhkhwa. Ne Aohiatónhka ioienawá:se eniakoaia'tahní:rate thí:ken akwé:kon ratiia'tarónnion né:'e ne tsi ionteweiénstákhwa kaná:ta ronwatiníhkwaniénstha tánon ronwatiníhkwaniénstha táte tánon wahón:nise ó:nen tho ní:ioht tsi kakwatákwen.

Oh ní:ioht ne "khihniehé:ioht tsi ionteweiénstákhwa niwanonhtonnion'tsherò:ten" eniaónien tsi ionteweiénstákhwa sénha aionwesénhake ahatiweientéhta'ne?

Enhserihwahserón:ni ne ka'nikonhrí:io tánon ronwatiia:taren tsi ionteweiénstákhwa aion'wesénhake teiotonhontsióhon ne "khihniehé:wa tsi ionteweiénstákhwa niwanonhtonnionhtsherò:ten" thí:ken aorihón:ni ne ata'karitéhtshera tánon karihwakweniéntshera tsi na'tehónteron ia'terotohétston akwé:kon ne khihniehé:wa tsi ionteweiénstákhwa tánon ne kaná:ta.

Aten'nikonhráhtshera, ratiia'tarónnion tánon ratiie:nas tsi ionteweiénstákhwaniónhkhwa tehonwatiníshwanéta'as ronteweiénstha tsi ní:ioht tsi rotikwénion né:'e ne tsi nó:n:we kanónhskon tsi ionteweiénstákhwa tánon ieiaohetstákhwen. Onkwe'takwé:kon rotio'tenhserá:ien ne iahón:newe aten'niténtshera, ratiia'tarónnion tánon ratiie:nas tsi ionteweiénstákhwaniónhkhwa, ratiia:tare ne kakoráhtshera tsi ionteweiénstákhwa ohén:ton rón:nete, tsi ionteweiénstákhwa raononkwè:ta, ronwatiio'okón:'a, ronteweiénstha tánon kaná:ta raononkwe'ta'shón:'a

Skátne enwá:ton entewate'nikonhrisá'a ka'nikonhrí:io tsi ionteweiénstákhwa aion'wesénhake thí:ken ahotié:nawa'se akwé:kon ronteweiénstha ahatiweientéhta'ne, sénha ahontéweienste tánon ahonté'tsteniarón:tste.

Kaianerénhsera Áhsen lawén:re tho kaiató:ron né:'e ne ieka'nikonhraientáhten rontoriahnerónkwas kenhníson.

Ne kaisnerenhserà:ke ne ioteratónhkwen onkwá:wen Sha'tékene tánon Ratiia'tarónnion Ronathiatonhseraweiénston tánon Aten'niten'nikonhráhtshera Tsiionteweiénstákhwa Tsi nikaieránion. Ne kaianerenhserà:ke tho kaia'tò:ron sénha kowá:nen rontoriahnerónkwas kenhníson tsi ní:ká:ien ne kí:ken í:kare:

- Enhatí:ren sénha ne o'nikón:ra ata'karitéhtshera rotio'ténion ne tsi ionteweiénstákhwaniónhkhwa tánon iewahsonterónnion tká:ras eniesa'nikonhrahserón:ni kaia'takehnháhtshera skátne ne shako'nikonhrahserón:nis ne ratiksa'okón:'a ne kanáthen tánon í:non thatinekarénion tkanatakè:ron.
- Wesá:kon oh nakaié:ren ahatí:ren sénha sha'taontahonátteke tánon ahonwatiia'tarónnion ronathiatonhseraweiénston kaiaierénhsera tánon iehonwatihrékhons akahnhé:'on tsi nikaieránion tsi nén:we ne raotihiatónhshera wahóntste ne thonate'nikonhratka:wen né:'e ne Kaniatarí:io Raotihiatónhshera Kanenhráhere.
- Waterihwahtenkiá:ton ne onkwe'tà:ke attokháhtshera ratirihowanáhttha ne ahatihsenno:wanahte thí:ken akwé:kon rotiri:waien ne tahatí:tahste iehonwatihrékhons.
- Aka'nikonhríson ne Ratiie:nas Tsi ionteweiénstákhwaniónhkhwa Raonniá:ton Kanenhráhere aontahónhtka'we tewatewennatka:wen tóka ó:ni akarihwaién:take tánon tsi nihatiieránions thí:ken tekaká:nere né:'e ne khihniehé:wa tsi ionteweiénstákhwa anonhtonnionhtshera, í:kare iehonwatihrékhons tehatí:ta'as tánon ratiio'tá:ti.

Sénha kari'wanóntha?

Ronwatiio'okón:'a enwá:ton ahatiweientéhta'ne sénha karonwará:ke ne Kaniatarí:io:

- Ronteriá:nerons Kénhnare ne Ratiie:nas Tsi ionteweiénstákhwaniónhkhwa ne www.ontario.ca/acceptingschools
- Aten'nikonhráhtshera Tsi ionteweiénstákhwa Tsi nikaié:ren www.edu.gov.on.ca/eng/parents/safekit.html
- Sha'tékene tánon ronwatiia:tare Ronathiatonhseraweiénston Tsi nikaié:ren ne www.edu.gov.on.ca/eng/policyfunding/equity.html
- Tsi tekahontsiakhánion Aohiatónhka ne Tsi ní:ioht tsi rontoriahnerónkwas ne www.edu.gov.on.ca/eng/safeschools/standards.html